

摘藻堂四庫全書薈要

集部

欽定四庫全書薈要

集部

李義山文集卷三



詳校官助教臣常循

欽定四庫全書薈要卷一萬四千六十一

集部

李義山文集卷三

監察御史徐樹穀箋

山東提學僉事徐烱註

狀

為侍郎汝南公華州謝加階狀

新書百官志其辨貴賤叙勞能則有

品有爵有黜有陞以時考覈而升降之所以任羣材治百事

右臣伏奉今月某日制書加賜臣階朝散大夫者

百官志朝

請大夫從五品上朝

榮從日下

晉書陸雲與荀隱素未相識嘗會張華座雲抗

散大夫從五品下

手曰雲間陸士龍隱曰

日下荀鳴鶴鳴鶴隱字

恩自天中臣聞周室設官實重

大夫之號

詩三事大夫

漢臣異禮則加朝請

一作散

之名

後漢二十

八將詢所加不過

若臣者辨乏談天

史記荀卿傳齊人頌曰談天行應劭

曰著書所言多大事

文非擲地

世說孫興公作天台山賦成以示范榮期云卿

試擲地要

作金石聲

貪叨華顯繇歷光陰當陛下御極之初分陞

下憂人之寄金章紫綬已塵求瘼之榮崇級清階

晉王崔傳

愷愉並少

更切昇高之望循揣斯久怔忡莫寧

王褒四子講德

踐清階

論百姓  
怔忡

惟當勤奉詔條所希羸贖官謗誠深感勵情切

違離犬戀主而空深

潘岳西征賦猶犬馬之戀主竊託慕於闕庭

蚊負山而

何力

莊子狂接輿曰其於治天下也猶涉海鑿河而使蚊負山也

無任感恩望闕結

戀屏營之至

為濮陽公謝罰俸狀

右臣伏準御史臺牒奉恩旨以臣不先覺察妖賊賀蘭

進興等宜罰兩月俸料者伏以霧市微妖

後漢張霸傳霸子楷字公

超隱居弘農山中學者隨之所居成市後華陰山南遂有公超市性好道術能作五里霧時關西人裴優亦能

為三里霧自以不如指從學之指避不肯見桓帝即位  
優遂行霧作賊事覺被考引指言從學術指坐繫廷尉

詔獄潢池小寇

漢循吏傳龔遂對曰海濱遐遠不需聖化其民困於飢寒而吏不恤故使陛下赤子

盜弄陛下之兵於潢池中耳

有乖先覺上黷宸聰昔漢以捕

一作通

盜

不嚴猶加黜削

漢酷吏傳作沈命法曰羣盜起不發覺發覺而弗捕滿品者二千石以下至小

吏主者皆死

晉以發姦無狀亦峻科條

未詳漢丙吉傳召東曹案邊長吏瑣科條

其豈若皇帝陛下恩極好生

書好生之德洽于民心

德

一作仁

惟宥

過與其漏網

並見表

止以罰金

漢張釋之傳釋之奏當此人犯蹕當罰金

臣與

寮屬等無任戴恩宥罪屏營之至

為滎陽公謝除盧副使等官狀

新授某官盧戡 新授某官任繕

右臣得進奏官某狀報臣所奏盧某等二人

新書宰相世系表盧

戡陝西觀察使岳第三子

奉某月日敕旨賜授前件官充職者臣謬

當廉印合啓幕庭撫魚罩以興懷

詩序南有嘉魚樂與賢也太平之君子至

誠樂與賢者共之也其一

懼殺皮之廢禮

說苑秦穆公使賈人載鹽

章曰南有嘉魚烝然罩罩

於虞諸賈人買百里奚以五羊皮穆公觀鹽怪其牛肥問其故對曰飲食以時使之不暴是以肥也公令有司

沐浴衣冠之公孫支讓其卿位號曰五段大夫

盧戡與臣同年登第少日論交

學富文雄氣孤志逸玉清越而為樂

禮記君子比德于玉叩之其聲清越

以長其終

女舒脫

一作退

以求媒

詩舒而脫脫兮箋貞女欲吉士以禮來脫脫然

舒也任繕幼學孝悌潔靜精微

禮記潔靜精微易教也

得君子之時

中友鄉人之善者匪因請託

漢翟方進傳為相公潔請託不行郡國

實自

諳知

北史唐邕傳精心勤事莫不諳知

皇帝陛下俯照遠藩咸加命秩

漢循吏傳二千石有治理效

南臺貼職

通典御史臺亦謂之蘭臺寺梁

及後魏北齊

延閣分班

漢藝文志孝武建藏書之策置寫書之官注如淳曰劉歆七畧

或謂之南臺曰外則有太常太史博士之職

使戡有紆朱之榮

後漢書宦



者傳論曰紆朱懷金者布滿宮閨

繕無衣白之見

日知錄白衣者庶人之服然有以處士而

稱之者史記儒林傳公孫弘以春秋白衣為天子三公後漢書孔融傳與白衣襦衡跌蕩放言晉書閭續傳薦白衣南安朱沖可為太孫師傅是也清波雜志言前此仕族子弟未受官者皆衣白今非跨馬及弔慰不敢用

已經聖鑒可謂國華

魯語季文子曰吾聞以德榮為國華

冀收規畫之功

吳志胡綜傳規畫計較應見納受

共奉澄清之寄

後漢范滂傳滂登車攬轡慨然有澄清天

下之

不勝感恩荷聖

集作得賢

之至

為安平公謝端午賜物狀

右今月某日中使其至奉宣恩旨賜臣手詔一通兼前

件端午紫衣銀器百索并大將衣者

周處風土記端午造百索繫臂一名

長命縷一名續命縷一名辟兵縷一名五色縷一名五色絲一名朱索

乾文昭融

詩昭明有融

睿賜稠疊恩生望外榮積懼中臣已當時宣布給散訖

伏以正陽令月

左傳惟正陽之月則然餘則否

端午佳辰

風土記仲夏五日曰端午

端初也俗重之與夏至同

渥澤合止於勲賢

後漢朱祐等傳論曰猶能授受惟庸勲賢皆序

錫賚宜先於戚屬

後漢鄧禹傳時諸紹封者皆食故國半租康以皇太后戚屬獨三分食二

臣遠臨東魯久去上京

曹植與楊修書足下高視于上京

豈望仁時同

躋壽域

見代安平公表

八行明詔

後漢循吏傳其以手書賜方國者皆一札十行細書成文

伏讀而不啻千鈞一襲輕衣

漢叔孫通傳賜通帛二十疋衣一襲師古曰一襲上

下皆具也今人呼為一副

跪捧而若無三伏

初學記案陰陽書曰從夏至後第三庚為初伏

第四庚為中伏立秋後初庚為後伏謂之三伏曹植謂之三旬

况又綵縷出仙蠶之蠶

列仙傳園客種五色香草有五色蛾上香草末生桑蠶有女與客俱蠶繭大如盆綵訖莫知所之

貞金

凝姹女之魂

謂銀器後漢書桓帝時童謡云河間姹女工數錢

持可戒盈

魏志曹真

傳詔曰可謂能持盈守位

帶堪延算

風俗通五月五日續命縷俗說以益人命

豈微

疑作惟

臣獨忝在列校不遺華楚成行永願千春而奉聖

梁簡文帝

詩千春誰與樂惟有妾隨君

縣長共保常期五日以霑恩臣與大將

等無任感激懇悃之至

為滎陽公端午謝賜物狀

右中使某至奉宣恩旨賜臣端午紫衣一副百索一軸銀器二事大將衣三副并賜臣手詔一通者伏以五神

定位祝融司長發之功

禮記仲夏之月其神祝融

六律鈞和

說文十二律均

布節氣故有

蕤賓有酬酢之義

禮記仲夏之月律中蕤賓周語伶州鳩曰蕤賓

六律六均

所以安靖神人

故節推戴禮

大戴禮夏小正云五月初昏大火中大火者心也心

獻酬交酢也

中種黍菽糜時也煮梅為

日著漢儀

後漢禮儀志五月五日朱索五色印

豆實也蓄蘭為沐浴也

為門戶飾以

難止惡氣 彼艾人遠具於歲時

荆楚歲時記五月五日採艾為人懸門戶

上以禳

毒氣 角黍近標於風土

風土記仲夏端午烹鷄角黍進筒糗一名角黍一名糗亦

粽乃者舊傳聞之末

晉陳壽傳撰益部耆舊傳十篇公羊傳所見異辭所聞異辭所傳聞

異辭亦是一作

君親慶賜之原

禮記孟夏之月慶賜遂行無不欣悅

伏惟皇帝

陛下克協樂章

王子年拾遺記楚懷王常繞山遊宴各舉四仲之氣以為樂章

允符時

訓逸周書時訓

恩一作仁

霑近戚惠浹元寮臣守介蠶圻

程遙鳳闕敢希瘴嶠特降乾文輕縞染衣真金備器海

綃掩麗

博物志鮫人水居出人間賣綃臨去從主人索器泣而出珠與主人

渠盤藏珍

魏文

帝車渠梳賦車渠玉屬也多織理緝文生于西國其俗  
寶之廣雅車渠石次玉也玄中記車渠出天竺國廣志

車渠出太秦國拜受若驚跪捧如失常衣國僑之紵左傳吳公  
子札聘于

鄭見子產如舊相識與之縞帶子產獻紵衣焉被服多慚久携顏氏之瓢見論語

捧持未慣當晝而不假交扇世說補郝嘉賓三伏之月  
詣謝公雖復當風交扇猶

沾汗向日而惟宜飲冰莊子朝受命而夕  
飲冰我其內熱與况又將以綵

絲縈諸畫軸用襍故烝風俗通五月五日以五綵絲繫  
臂者辟兵及鬼令人不病溫

兼續收齡見為安  
平公狀爰自微臣頗流諸校鞠躬被寵全踰

錫帶之榮易或錫  
之鞶帶覩物傳輝實動請纓之思漢書南越  
與漢和親

乃遣終軍使南越軍自請受長  
纓必羈南越王而致之闕下

惟當仰成帝力

列子擊壤歌曰

日出而作日入而息鑿井而飲  
耕田而食帝力何有於我哉

麤舉藩條

見為濮陽公表

誓相

率於明時

韋曜博奕論愛功惜力以佐明時

庶同登於壽域

見代安平公表

臣

與大將等無任望闕感恩抃舞屏營之至

為中丞滎陽公赴桂州長樂驛謝敕設狀

右今月某日中使某奉宣進止就長樂驛

薛調劉無雙傳京兆尹以

王仙客為富平縣尹知長樂驛

賜臣及將吏等設饌者將承藩寄尚忝

朝恩絡繹八珍

周禮凡王之饋珍用八物又食醫掌和玉八珍之齊杜甫詩御厨絡繹送八

珍芬芳九醞

左思蜀都賦

芬芳醕烈張衡南都賦酒則九醞甘醴十旬兼清醪敷徑寸浮蟻若萍

北堂書鈔魏武帝上九醞酒奏云臣故縣令南陽郭芝有九醞春酒苦難飲增為十釀差甘易飲今謹上獻又

張華上已篇云春醴逾九醞冬清過十旬成公綏七唱云香旗九醞淵清十旬臣階緣薄伎

晉外

戚傳論曰階緣外戚以致顯榮

塵辱修塗

陶潛詩目倦修塗異

揚執戟之讀書雖

無非聖

漢揚雄傳非聖哲之書不好也解嘲位不過侍郎東方朔客難官不過侍郎位不過執戟董

大中之對策何補清時

漢董仲舒傳武帝即位舉賢良文學之士前後百數而仲舒以

賢良對策三對既畢天子以仲舒為江都相中廢為中大夫李陵答蘇武書策名清時

忽委廉車

乍離閨籍

見為漢陽公表

誠欣列土實耿辭天然猶食指告祥



左傳楚人獻鼃於鄭靈公公子宋與子家將見子公之食指動以示子家曰他日我如此必嘗異味

有慶

易舍爾靈龜觀我朵頤

爰於近驛式降貴臣酒自堯樽

孔蔡子堯

飲千鍾姚崇詩堯樽臨上席

饌分殷鼎

一作禹膳說苑湯時大旱使人

持九足鼎祝山川而天大雨楚辭天問曰緣鵲飾玉注伊尹修飾玉鼎以事湯湯賢之以為相

下霑將

校旁耀路歧

曹攄詩素絲與路歧

況臣平生本實孤賤懷書奉役

久無黔突之謀

文子墨子無黔突

入國展儀且惜殽烝之禮

左傳

晉侯使士會平王室定王享之原襄公相禮殽烝武子私問其故王聞之召武子曰季氏而弗聞乎王享有體薦宴有折俎公當享卿當宴王室之禮也疏切肉為殽乃升於俎故謂之殽烝

飽期滿腹

莊子偃鼠

飲河不  
過滿腹

醉更憂心

詩憂心如醉

終虞負乘之災

易負且乘致寇至

無

報雲天之施

易雲上于天需君子以飲食宴樂

臣與將吏等無任望闕

感恩結戀屏營之至

為滎陽公謝賜冬衣狀

右中使其至奉宣恩旨賜臣冬衣一副大將衣四副兼

賜臣手詔一通者八行帝語

見為安平公狀

宵降於重霄一襲

天衣

觀佛三昧經今釋迦樹最短若干天衣而布其上詳為安平公狀

俯迴於窮節

顏延

之詩徂生入窮節

臣當時準詔給散訖臣叨蒙重寄適控遐陬

地雖五鎮之衝

新書地理志永徽後以廣桂容邕安南府皆隸廣府都督統攝謂之五府節度

使名五管氣得四時之正每亥冥應律

見賜物狀

顓頊司辰

禮記孟冬

之月其帝顓頊當二日之鑿冰則殊幽野

詩幽風二之日鑿冰沖沖

及兩楹

之飛雪無異朔山

鮑昭詩胡風吹朔雪千里度龍山集君瑤臺上飛舞兩楹間范成大桂海

虞衡志靈川興安之間有嚴關朔雪至此輒止大盛則度關至桂州城下不復南矣北城舊有樓曰雪觀所以夸南重以實布少溫

晉食貨志南蠻歲令輸布人

蠻繇

乏暖

左思吳都賦鄉貢八蠶之繇善曰劉欣期交州記云一歲八蠶繭出日南也

方求麗容

王褒頌夫荷旗被毳者難與道純繇之容麗

以禦嚴凝

禮記天地嚴凝之氣始於西南而盛於西

北 豈望司服頒衣

周禮春官有司服

貴臣傳詔

李陵答蘇武書徒失貴臣之意

綾裁飛鵠

晉曹志傳帝賜志鶴綾袍一領鵠鶴通

絮一作素

裛仙蠶

見為安平公狀

白分椒壁之光

漢官儀以椒塗室取其溫煖晉石崇傳崇塗屋以椒初學記漢省中皆胡粉塗

壁 紫奪蘭牙之色

鮑昭白紵歌桃含紅萼蘭紫牙

已均下將仍逮連營

並見 晏子狐裘故弊何

一作舊飾故

彰於國儉

禮記晏子一狐裘三十年

曾子曰國奢則示之以儉國儉則示之以禮

王恭鶴氅風流不自於君恩

晉書

王恭披鶴氅涉雪而行

被服有輝負戴無力謹當上宣殊渥下拊

多寒

左傳申公巫臣曰師人多寒王巡三軍拊而勉之三軍之士皆如扶續

均大祐於瑯

瑯

漢書朱博遷瑯琊太守齊俗舒緩敕功曹官屬多襃衣大袍不中節度自今掾吏衣皆去地三寸袍音紹

袴也變無襦於蜀郡

後漢書廉范字叔度建初中為蜀郡太守百姓歌之曰廉叔度來何暮不

禁人民安作昔

無襦今五袴

麤令康泰以塞貪叨

後漢梁冀傳皆貪叨凶淫

臣與

大將等無任望闕感恩并舞屏營之至

為濮陽公涇原謝冬衣狀

舊書地理志涇原節度使治涇州管涇原渭武

四州

右某月日中使某至奉宣聖旨賜臣及大將兼諸鎮防

秋兵馬等前件敕書手詔并冬衣者臣並已準詔旨宣

示給散訖恩極解衣

漢韓信傳漢王解衣我推食食我

榮加降璽戴山

未重

列子大壑中有五山天帝使巨鼃戴之

負日非暄

列子宋有田夫曝日於野美之不識

廣廈繇續之屬謂其妻曰吾負日之暄以獻吾君獲重賞

臣謬領藩垣

詩介人維藩大師維垣

適當戎狄惟憑廟算

孫楚書廟勝之算應變無窮

麤振

一作展

軍威絕

漠

一作塞

獵迴幸無警急

史記信陵君傳公子與魏王博而北境傳舉烽言趙寇至且入

界公子止王曰趙王田獵耳非為寇也復博如故曹植詩邊城多警急

高峰火過但報平

安

唐六典凡烽候所置大率相去三十里其放烽有一炬二炬三炬四炬者隨賊多少而為差焉新書哥舒

翰麾下來告急上不時召見及暮平安火不至上始懼案鎮戍每日初夜放烟一炬謂之平安火

直以

地勢多陰

漢晁錯傳胡貉之地積陰之處也

川形稍背三伏常聞於屏

簾

潘岳秋興賦屏輕簾釋纖絳

九秋尋訝於垂繒

玉臺新詠傳玄有歷九秋篇謝惠連

雪賦裸壤垂繒

代馬暫嘶

見為河南表

隴山無葉

漢地理志隴西郡注應劭曰隴底在

其西燕鴻未過

李涉詩南隨越鳥北燕鴻

涇水先冰

三秦記涇水出開頭山至高陵

縣而入渭與渭水合流三百里清濁不相雜

是以每降王臣仍迂御筆

北史彭城

王總傳帝令總為露布辭及就尤類帝文有人見者咸謂御筆

緘封垂露

法書要錄漢曹喜工篆隸

善懸針垂露之法

寵錫禦冬

詩我有旨蓄亦以禦冬

非王女裁成

禮記國君取夫

人之辭曰請君之玉女與寡人共有敝邑

即仙人織出

北史畢眾敬傳獻仙人文綾一百疋

徒

驚在笥

書惟衣裳在笥

莫匪

集作觀

因針

見陳情表

始顧孱微深懼不

勝冠帶旋蒙被服便如能執干戈

見前表

遍逮軍前歷霑

麾下

漢陳餘傳張耳迺佩其印收其麾下

達喜氣而陳根復秀

記勝之引古語土長

冒極陳根可拔耕者急發

動歡聲而蟄戶潛開

禮記仲秋之月蟄蟲壞戶

華楚成

行曳婁塞路

詩子有衣裳弗曳弗婁

其山南宣歙三道大將等雖

久居炎燠不慣嚴凝亦既更衣皆忘易地賈餘勇而例

思盡敵

左傳齊高固入晉師曰欲勇者賈余餘勇又先丹木曰是服也狂夫阻之曰盡敵而反敵可盡

乎

感鴻私而咸願殺身

漢宣元六王傳張博書願殺身報德

各限征行不



獲陳謝臣與大將等無任瞻天戀闕感恩屏營之至

為中丞榮陽公謝借飛龍馬送至府界狀

菱飛龍殿名也

新書兵志尚乘掌天子之御左右六閑一曰飛

黃二曰吉良三曰龍媒四曰駒駘五曰馱馱六

曰天苑總十二閑為二廄一曰祥麟二曰鳳苑

以繫飼之具後禁中又增置飛龍廄百官志以

中官為內

飛龍使

右中使某奉宣恩旨以臣赴任特借飛龍馬一

一作兩

正

并鞭轡等送至京兆府界者臣謬奉恩榮出叨廉問豈

期蹇步

謝瞻詩蹇步愧無良說文蹇跛也

深軫皇慈特命內臣俾騰上

四史記田忌數與齊公子馳逐重射孫子見其馬足不  
馬甚相遠有上中下輩於是謂田忌曰今以君之下駟

與彼上駟取君之上駟與彼中駟取君中駟與彼  
下駟既馳三輩而忌一不勝而再勝卒得千金 梁懸

蜀鐙

初學記魏百官各有紫茸題高橋鞍一具又劉義  
恭啓曰賜臣供御金梁橋鞍制作精巧宜副龍駟

九州春秋劉備曰吾常身不離鞍髀肉皆消今不復騎  
髀裏肉生日月若馳老將至矣業鐙馬鞍兩旁足所踏

也 几覆吳鞍 公羊傳以鞍為几吳志孫權每田每多曳

練之疑

論衡孔子與顏淵俱登魯東山望吳閭門謂顏  
淵曰爾何見曰一疋練前有生藍子曰白馬廬

也 不假著鞭之力 晉書劉琨聞祖逖被用曰枕  
戈待旦常恐祖生先我著鞭 倏踰秦

甸將復周閑

周禮校人掌王馬之政乘馬一  
師四圉天子十二閑馬六種

照地迴光

鮑昭詩鞍馬光照地

瞻天送影

崔豹古今注秦始皇有七名馬一曰躡景拾遺記周穆王馭八龍之

駿一名越影洞冥記東方朔得神馬名曰步影

長亭欲別未期東道而來

庚信賦十

里五里長亭短亭白帖十里一長亭五里一短亭漢書郊祀歌曰天馬來歷無草徑千里從東道

雙闕

尚嘶願附北風之思

古詩胡馬依北風

無任感恩戀闕雪涕屏

營之至

為大夫安平公華州進賀皇躬痊復物狀

右臣聞藩方舊德臣子私懷將稱慶於天朝

後漢朱穆傳天朝政

事一更其手

必展儀於土貢

書序任土作貢

伏惟皇帝陛下道苞乾

象

劉琨詩乾象棟  
傾坤儀舟覆

德總坤靈

西都賦據坤  
靈之正位

肇自元正載

康福履

詩樂只君子  
福履綏之

九廟不忘於繼志兩宮無闕於問

安

禮記文王之為世子朝於王季日三雞初鳴而衣服  
至於寢門外問內豎之御者曰今日安否何如內豎

曰安文王乃喜及日中又至  
亦如之及暮又至亦如之

鼓舞萬靈波濤四國驗推

測則咸如周卜聽祝辭而皆若華封臣坐擁伏熊行驅

畫隼

並見  
前表

值一人之有慶

書一人有慶  
兆民賴之

當春日之載陽

詩春日  
載陽

心但葵傾

見為濮陽公表

跡猶匏繫伏蒲之覲謁未果

漢書史丹直入卧內頓首伏青蒲上應劭  
曰以青規地曰青蒲自非皇后不得至此  
獻芹之誠懇

空深

列子昔有美芹莖萍子者對鄉豪稱之鄉豪嘗之蜚於口慘於腹衆哂之

况又地通宸

居俗薰儉德更無玉帛以率梯航

並見表

前件石器等

石器

未詳案爾雅西南之美者有華山之金石焉郭注云黃

金瑞石之屬邢疏云瑞石石之次玉者此石器等蓋以

瑞石為之故曰取瑞匪土研家語魯有儉嗇者瓦鬲者

諸地產皆勒工名食食之自謂其美盛之土

研以進

珍慚

左傳窳之戰齊侯使賓媚人賂以紀甌玉磬

並取諸地產

皆勒以工名茯苓茯神等

本草經茯苓一名茯苓神廣志茯苓神松汁所作勝茯苓新

書地理志華州土貢茯苓茯神唐本草茯苓第一出華山

形極麗大雍州南山亦有不如華山本草注弘景曰茯苓

白色者補通神而品載仙經博物志仙傳云松脂入地中

致靈上品仙藥也千年化為茯苓葛洪神仙傳

秀眉公餌茯苓得仙奇標藥錄梁陶弘景集本草集有桐君採藥錄說其花葉形色藥對四卷論其

佐使相須通靈祛疾不惟色若凝脂詩膚如凝脂延壽安神豈是

心如枯木莊子形固可使如槁木而心固可使如死灰乎干冒陳進無任兢惶

云云

為漢陽公陳許舉

一作請

人自代狀

箋案方鎮未元和五年罷武昌

軍節度使置鄂岳都團練觀察使十三年增領  
申州寶歷二年省沔州是其所領實鄂岳申三  
州也狀云沔水武昌明係鄂岳秦韓戰伐之鄉  
周鄭交圻之地則陳許也時崔蠡方除鄂岳觀  
察而王茂元為陳許節度以鄂岳非當時重地  
而已所部陳許乃中原要害恐不勝任故舉崔

以自代

某官崔蠡

箋籍書李聽傳詔聽兼領魏博節度使將兵北渡魏人不納其軍大敗殿

中侍御史崔蠡彈之新書世系表崔蠡南祖崔氏陷第三子

右臣伏準某年月日敕内外文武上後三日舉一人自

代者臣伏見前件官藥郤舊族

左傳叔向曰藥郤魯胥原降在臬隸

名儒

漢韋賢傳號稱鄒魯大儒徵為博士給事中

鏡納無私

集作疲世說袁羊曰何曾見明

鏡疲於屢照清流憚於憲風

山高不讓

李斯書太山不讓土壤故能成其大

而又循牆

戒切銘座規深

並見表

蘭省辭榮

元稹詩並入紅蘭省注校書所也

竹符

出守漢悲來暮

並見前

晉有去思

晉謝安傳除吳興太守在官無當時譽去後為

人所思

晦而轉明

一作彰易明夷君子以莅衆用晦而明

浼而尤白

見論語

既

還綸閣

晉王湛等傳論曰或任華綸閣密勿於王言初學記中書職掌綸誥前代詞人因謂之綸閣

復掌禮闈

任昉王文憲集序出入禮闈

人驚吞鳳之才

西京雜記揚雄著太玄夢

吐白鳳

士切登龍之譽

一作望後漢書李膺字元禮以名聲自高士有被其容接者名為登

龍及司版籍以副地官

蓋曾為戶曹周禮秋官司民掌登萬民之數自生齒以上皆書

於版又地官大司徒

比按西羌

蓋曾使吐蕃

孤忠靡失

一作按比周居

然國器

漢韓安國傳天子以為國器

實映朝倫

晉庾純傳詔曰宜加顯黜以肅朝倫今



沔水無兵

漢地理志注如淳曰北  
方人謂漢水為沔水

武昌非險

新書地理  
志鄂州江

夏郡治江夏縣案鄂州不治武昌以州  
本武昌軍節度使治故舉武昌以為言

用為廉問尚鬱

廟謀

後漢光武紀贊曰明  
明廟謀赴赴雄斷

臣所部乃秦韓戰伐之鄉周

鄭郊圻之邑軍踰千乘地控三州

謂陳許

若以代臣必為

名將敢希睿澤曲遂愚衷俾寬竊位之譏

見論語

冀受

一作

獲進賢之賞

漢蕭何傳上曰吾聞進賢受上賞蕭何功  
最高待鄂君乃得明于是因鄂千秋故所

食關內侯邑二千  
戶封為安平侯

干冒陳薦無任兢越謹錄奏聞伏聽

敕旨

為懷州刺史舉人自代狀

右臣伏準建中元年正月五日敕内外文武官到任三

日舉一人自代者臣伏見前件官汾陽啓胄

案世系表王氏出自

姬姓周靈王太子晉以直諫廢為庶人其子宗敬為司徒時人號為王家因以為氏八世孫錯為魏將軍其六世孫翦為秦大將軍生責責生離離二子元威元避秦亂遷於瑯琊後徙臨沂四世孫吉字子陽漢諫大夫始家臯虞後徙臨沂都鄉南仁里生駿字偉山御史大夫世所謂瑯琊王氏者也錯仕魏為將軍故曰汾陽啓胄詩魏風云彼汾一曲是沙麓遺芳順宗莊憲皇后王氏其國在汾水之陽也瑯琊人所舉者后族

故有斯語漢元后傳昔春秋沙麓崩晉史卜之曰陰為陽雄土火相乘故有沙麓崩後六百四十五年宜有聖

女興其齊田乎今王翁孺徙正直其地日月當之元城郭東有五鹿之墟即沙麓地也後八十年當有貴女興

天下佩觿之辰詩童子平居不戲後漢公沙穆傳自加

冠已後禮記曲禮二十曰弱冠冠出言成章魏陳思王植

出為論下筆成章顧本以詩書綽有機斷晉明帝紀帝

奉陰郭之良躅集作輟光武郭皇后御集作馬鄧之明一作

成規明德馬皇后臣一作其祖禰以來蕃宣相接詩

國于蕃四雲臺高議江淹上建平王書結綬金馬之庭

同承鐘鼎之餘韓于先王之賦頌鐘鼎之銘皆蕃吾之

惺衛鼎稱  
伐之類也

麟閣舊圖

漢書宣帝圖功臣霍光等十一人於麒麟閣

昔著河山

之誓

漢高惠功臣表封爵之誓曰使黃河如帶泰山若

顏瑯瑯臨沂人莊憲皇后之父也祖思敬少從軍累試  
太子賓客父難得有勇決善騎射天寶初為河源軍使  
斬吐蕃贊普王子郎支都傳首京師玄宗召見之賜以  
錦袍金帶累拜金吾將軍從哥舒翰擊吐蕃收九曲加  
特進祿山之亂從肅宗幸靈武進收京城又從郭子儀  
攻安慶緒於相州累封瑯瑯郡公英武軍使寶應二年  
卒贈潞州大都督子顏少從父征役累官金紫光祿大  
夫檢校衛尉卿生后而卒順宗內禪以后生憲宗褒贈  
先代子顏二子重榮用重榮官至福王傳用官至太子  
賓客金吾將軍新書王難得傳用字師柔封太原郡公  
謹畏無過卒贈工部尚書懷州

所舉蓋即用之後人今無可考

交深志見年齊道均今

河內名邦覃懷巨郡

書覃懷底績傳覃懷近河地名疏地理志河內郡有懷縣在河之北

蓋覃懷二字共為一地故云近河地名

南蕃鳳闕平分晉鄭之交北控羊

腸方有干戈之役

並見前

推讓雖循於故事

書推賢讓能庶官乃和

薦聞實切於私誠

左傳左師曰小國習之大國用之敢不薦聞

伏乞聖恩特

允臣志無任感恩推賢之至謹錄奏聞伏聽敕旨

為尚書渤海公舉人自代狀

箋世系表高氏出自姜姓齊太公之後高

倭為齊上卿後漢有高洪者為渤海太守因居渤海脩縣故渤海為高氏之郡望此渤海公不知何人據狀云風采章臺羽儀華囿內史故事尹正舊儀則其人蓋以尚書尹京兆者或云計

其時當是

高元裕

某官周墀

見為汝南公賀敬表

右臣伏準某年月日敕内外文武官上後舉一人自代

者伏以商邑為四方之極

詩商邑翼翼四方之極

咸京乃天下之

樞

戰國策范雎說秦昭王曰韓魏中國處而天下之樞也

必命英髦以居尹正

漢書

注張晏曰地絕高平曰京十萬曰兆尹正也通典開元初改雍州長史為京兆尹總理衆務凡前代帝王所都

皆曰

臣謬蒙抽擢

南史王鎮惡傳因託風雲並蒙抽擢

素乏材能

漢車千秋傳千

秋無他材能學術

將何以風采章臺

漢張敞傳敞為京兆時罷朝會過走馬章臺街注孟

康曰在長安中羽儀華囿

一作省易鴻漸于陸其羽可用為儀案華囿即靈囿也

況又分

英華

營函

英華作咸

鄒

當作錫

肇建園陵

箋案舊書武宗紀開成五年八月十七日

葬文宗于章陵此狀云肇建園陵則高除京兆尹當在是年春也

苟推擇之不先

漢韓信傳

家貧無行不得推擇為吏

則顛覆而斯在前件官莊粟以裕簡嚴而

寬玉無寒溫松有霜雪

杜陽雜編日本有玉棋子冬溫夏冷謂之冷暖玉莊子霜雪既

降是以知松柏之茂

頃居內署實事文皇引裾而外朝莫知

魏志辛毗

字佐治帝欲徙冀州士家十萬戶實河南毘與朝臣俱求見帝起入內毘隨而引其裾帝遂奮衣不還

視

草而中言罔漏

晉書羊祐歷事二世典職機要凡謀議皆焚其草世莫得聞○墀久居內職故

云 洎分符近甸

謂出守

廉印雄藩

謂改鄂岳觀察使

不徇物以

沽名善推誠而立斷渾

一作諱

若全器宜乎在庭儻召以

急宣被之春渥必能明張條目

漢劉向傳各有條目

峻立隄防

漢書

董仲舒對策曰其隄防完也

肅千里之封畿

西都賦封畿之內厥土千里連蹠諸夏兼其所

有惣

集作殷

五都之貨殖

西都賦七相五公與夫州郡之豪傑五都之貨殖三選七遷充

奉陵邑善曰漢書王莽於五都立五均更名洛

軒

陽邯鄲臨淄宛成都五都市長皆為五均司市

軒

英華作燕

臺禹穴

山海經西王母之山有軒轅臺射者不敢西向畏軒轅之臺漢書司馬遷南遊江淮上會

稽探禹穴案軒臺

無虧克奉之儀

漢書百官志太祝六人正九品上掌出納

禹穴喻陵寢也



神主祭祀則跪讀祝文卿省牲則循牲告克以授太官奉禮郎二人從九品上掌君臣服位以奉朝會祭祀之

禮又公卿巡行諸陵則主其威儀鼓吹而相其禮

漢苑秦陵

見為漢陽公表

盡絕椎埋

之黨

史記攻剽椎埋掘冢皆為財用耳徐廣曰椎殺人而埋之或謂發冢也

特乞俯迴宸斷

用授當仁免今日之叨恩冀他時之上賞

見為漢陽公狀

干冒

陳薦兢越殊深

某官崔龜從

芟舊書崔龜從字玄告清河人元和十二年擢進士第又登賢良方

正制科及書判拔萃二科釋褐拜右拾遺太和二年改太常博士龜從長於禮樂精歷代沿革問無不通累轉考功郎中史館修撰九年轉司勳郎中知制誥十二月正拜中書舍

人開成初出為華州刺史三年入為戶部侍郎判本司事四年權判吏部尚書銓事大中年同平章事兼吏部尚書六年罷相累歷方鎮卒

伏以內史故事例帶銀青

通典武帝更名右內史為京兆尹左內史為左馮翊主爵

都尉為右扶風是為三輔治長安城中銀章青綬

尹正舊儀平揖令僕

謂尚書令尚書

左右僕射皆殷浩傳桓溫謂都超曰浩有德有言向使作令僕足以儀刑百揆

必資髦碩方備

次遷

漢田廣明傳功次遷河南都尉

臣特以鯁儒

漢書沛公曰鯁生說我距闕

猥丁

昌運

顏延之詩復與昌運并

位崇八座

晉書尚書夏侯駿曰官立八座正為此時乃獨為駁

議晉百官名尚書令尚書僕射六尚書古為八座尚書

官紹三王

漢王吉傳先是京兆有趙廣漢

張敞王尊王章至駿皆有能名故

况駕有上仙

莊子千歲厭世

去而上仙乘彼

車當晏出

史記范雎傳曰宮車一日晏駕集解應劭曰天子當晨起

早作如方崩殞故稱晏駕韋昭曰凡初崩為晏駕者臣子之心猶謂宮車當駕而晚出按江淹恨賦一旦魂斷

宮車晚出

務煩殿置

漢田橫傳至尸鄉殿置謂置馬以傳驛者

役重

津途

傳亮表伊洛榛蕪津途久廢

儻讓爵之不思

爵受爵不讓至于已斯亡

則敗

官而斯疚

見為榮陽公表

前件官荆岑挺價

王聚登樓賦蔽荆山之高峰

人和氏得玉璞於荆山之中奉而獻之文王王文王使玉人治其璞而得寶盧諶覽古詩趙氏有和璧天下無不

傳秦人來求市厥價徒空言善曰史記云秦昭王願以十五城易璧

赤堇揚鋒

吳越春秋越王允常

以純鈎示薛燭薛燭曰臣聞初造此劍赤莖之山破而出錫若耶之溪澗而出銅

稟松筠四序

之榮

禮記如竹箭之有筠也如松柏之有心也二者居天下之大端矣故貫四時而不改柯易葉

包

金石一定之調

沈約宋書調樂金石有一定之聲故造鐘磬者先律調之然後施之於箱懸

由中及外自誠而明昨者故鄣利遷

漢地理志丹陽郡領故鄣縣案縣本

秦鄣郡治是曰故鄣唐為廣德縣屬宣州今江南廣德州是也易利用為依遷國

朝臺受律

朝臺

見濮陽公陳情表晉書王渾等傳

隱之清節無媿於投

香

晉書吳隱之隆安中為廣州刺史歸自番禺其妻劉氏齋沉香一斤隱之見之遂投於湖亭之水寔守記

取投石門內水中後人謂之沉香浦亦曰投香浦

江革歸資惟聞於單舸

南史江革

除會稽郡丞稱職乃除都官尚書將還惟乘臺所給一舸舸艚偏欹不得安卧乃於西陵岸取石十餘片以實之其清貧如此案狀語則崔自太和四年判銓之後嘗出守江東移鎮嶺南史畧而不書耳舉代時正在嶺南也

### 必能集同軌之會

左傳天子七月而葬同軌畢至諸侯五月同盟至大夫三月同位至

士踰月外姻至奉因山之儀

漢文帝紀贊曰治霸陵皆瓦器不得以金銀銅錫為飾因其山不起墳

墳使桴鼓稀鳴

桴當作枹漢張敞傳敞守京兆尹長安市偷盜尤多百賈苦之敞捕得數百人

盡行法罰由是枹

建瓴流化

漢高帝紀田肯賀上曰陛下治秦中地勢便利其以

鼓稀鳴市無偷盜

下兵於諸侯譬猶居高屋之上而建瓴水也注如淳曰瓴

盛水瓶也居高屋之上而播瓴水言其向下之勢易也

伏乞特迴鳳詔

見為河東啓

以命龜從成聖朝棧樸之詩

詩序

械撲文王能官人也

減微臣維鷄之刺

詩維鷄在梁不濡其翼

干

黷旒宸

並見表

伏用兢惶

為滎陽公舉王克明等充縣令主簿狀

以前件狀如前伏以臣所部控聯谿洞

北史史萬歲傳踰嶺越海攻陷

谿洞不可勝數

參錯蠻髦

詩如蠻如髦傳蠻南蠻也箋髦西夷別名武王伐紂其等有八百國從焉

水接重湖

巴陵舊志洞庭湖南連青草西吞赤沙橫亘七八百里因名三湖又謂之重湖重湖者一

湖之內南名青草北名洞庭有沙洲間之也

山當五嶺

見為濮陽公表

縱有天官注

集作恣非擬

通典光宅元年改吏部為天官神龍元年復舊

多緣地理幽遐

盧諶詩身經險

阻足蹈  
幽遐

或不出上京已發徒勞之歎

見代安  
平公表

或暫來屬

邑即聞歸去之辭

晉書陶潛著  
歸去來辭

既經久而不謀亦柔良

而曷寄

見為安  
平公表

臣謬膺廉部慮在曠官

書無曠  
庶官

儻旬朔

以無言

見為懷  
州表

則賦輿而必闕

左傳羣臣帥賦  
輿以為魯衛請

前件官

或膏梁遺胄

顏氏家訓古人云膏梁難整以其為驕奢  
自足不能剋勵也南史王景首傳帝曰並

膏梁世德乃  
能屈志戎旅

或英俊下寮

左思詠史詩世胄躋  
高位英俊沉下僚

雖寓遐

陬久從試吏假之銅墨

漢書縣令長皆秦官秩六  
百石以上皆銅印墨綬

有意

於鳴琴

呂氏春秋宓子賤為  
單父宰鳴琴而治

委以簿書

劉楨詩沉  
迷簿領書

不羞

其棲棘

後漢書仇香為主簿人曰枳棘非鸞鳳所棲

既聞績用

書績用弗成後漢循吏傳

論曰斯其績用之最章章者也

合有甄昇一則復遠俗之凋殘一則輕

微臣之憂責

漢酈食其等傳贊曰不受憂責

苟事因請託跡涉貪殘將

有負於斯人豈敢逃於舉主

南史謝莊傳表曰若任得其才舉主延賞有不稱職

宜及其坐伏希卑聽

史記子韋謂宋景公曰天高聽卑

咸賜即真

晉劉瓛傳兼御史中

丞朝廷嘉之遂即真

干冒宸嚴無任兢越

為滎陽公桂州舉人自代狀

某官裴侁

箋新書宰相世系表裴肅字中明浙東觀察使三子侁字次之江西觀察使



休字公美相宣宗休  
字冠儀諫議大夫

右臣伏準某年某月日敕内外文武官上後舉一人自

代者伏見前件官韮鄉茂族

案世系表秦非子之支孫封韮鄉因以為氏今聞喜

韮城是也六世孫陵當周僖王之時封為解邑君乃去邑從衣為裴一云晉平公封顓頊之孫鍼於周川之裴

中號裴君疑不可辨陵裔孫後漢陽吉平侯茂三洛下名子潛徽輯輯之後號東眷休所出也韮音裴

生

世說謝安能作洛下書生詠

處家國以必聞

見論語

善兄弟而無脣

詩不令兄弟交相為瘡○箋舊書裴休傳

而又南翬輝

休河内濟源人與兄儔弟休並登進士第

彩

詩如翬斯飛箋伊洛而南素質五色皆備成章曰翬

東箭含筠

爾雅東南之美者有會稽之竹

箭焉注會稽山名今在山陰縣南竹箭篠也

身先較藝之場

班固答賓戲娑娑乎術藝之場

首出觀光之籍

易觀國之光利用賓于王

從外府而允稱賢佐

後漢實武

傳古之明君必須賢佐以成政道

立中臺而克號清郎

通典唐改尚書省曰中臺亦曰

文昌臺北史袁聿修為尚書郎十年未曾受升酒之遺尚書邢劭常呼聿修為清郎

洎時急昌言

書禹拜昌言曰俞

官登大諫

管子臣不如東郭牙請立以為大諫之官

楊阜常規於

法服

魏志楊阜嘗見明帝著帽被縹綾半裛問帝曰此於禮何法服也帝默然不答

陳羣盡削

其封章

魏陳羣傳注魏書羣前後數密陳得失每上封章輒削其草

實於不拂之朝

書先王肇修人紀從諫弗拂

能守勿欺之旨

見論語

臣所部俗分蠻徼

漢書注東北謂之塞西南謂之徼

**地控越城**

水經注湘灘之間陸地廣百餘步謂之始安嶠即越

城嶠也秦置五嶺之戍是其一焉元和郡縣志越城嶠在桂州全義縣北五嶺之最西嶺也

**藉威畧**

**以靖封隅**

晉桓溫傳論曰受寄干城用恢威畧

**資簡惠而安疲瘵**

晉魏舒傳出為

冀州刺史在州三年以簡惠稱魏畧曹植上書曰疲瘵風靡

**願迴殊渥以授當仁豈**

**微敬仲之才**

管敬仲也管子鮑叔曰施伯之才必將致魯之政

**兼有伯游**

**之長**

左傳晉侯蒐於繇上以治兵使士句將中軍辭曰伯游長昔臣習於知伯是以佐之非能賢也請從

伯游荀偃將中

**俯從牢讓**

漢師丹傳上書言復曾不能牢讓爵位

**克免曠**

**官特冀宸嚴曲垂矜許干冒陳請惶越無任**

為鹽州刺史奏舉李孚判官狀

新書地理志關內道鹽州五原郡都

督府貞元三年沒吐蕃九年復城之縣二五原白池案鹽州廢城在今陝西寧夏衛花馬池所北

某官李孚

箋案狀云克生公族又云悲其絕籍又云亦既旋還又云得於諸宗蓋宗室之子以法謫遠州而遇赦得還者其事跡於史無可考

右件官克生公族

詩振振公族

早履宦途器實幹時

蜀志龐士元曰

立功立事辨能專對加之夙明韜畧

後漢書注太公書名六韜黃石公記

序黃石者神人也有上畧中畧下畧北史孫騰等傳論曰戰將兵權暗同韜畧

久逐旌旃

周禮司常

掌九旗之物通帛為旗雜帛為物全羽為旌析羽為旌

頃為知己

晏子春秋越石父曰士者申乎

知屈從吏議

司馬遷書因為誣上卒從吏議

許休文之流浪萬里非賒

蜀志許靖字休文汝南平輿人董卓秉政會稽太守王朗與靖有舊往保焉孫策東渡江走交州以避其難與

曹公書曰知足下西迎大駕巡省西嶽承此休問且悲且喜

王仲宣之播遷三年未

遇魏志王粲字仲宣山陽高平人獻帝西遷粲從至長安以西京擾亂乃之荊州依劉表

儉而不

懟困且能通

魏管寧傳太僕陶丘一等薦寧曰困而能通遭難必濟

雖何恤於無

家

左傳諺曰心苟無瑕何恤乎無家

良可悲其絕籍

謂絕其宗室之屬籍

去歲以

維新之命大洽鴻私亦既旋還合從叙用開成五年十

一月十三日吏曹已注右威衛倉曹參軍授官未謝又

蒙挾名除替初云牽復仍迫屢空京口劉生方思鵝炙

晉劉毅傳江州刺史庾悅曾至京口毅就府借東堂與

親故出射悅至射者皆散惟毅留射如故既而悅食鵝

毅求其餘洛陽蘇子已弊貂裘史記蘇秦字季子東周

悅又不答洛陽蘇子已弊貂裘洛陽人說秦不用黑貂

之裘方今崇唐集作堯敦厚之恩書堯典以親九推魏

獎一作文榮樂一作之旨魏志文帝紀延康元年秋七月甲午

于邑東注魏書曰設伎樂百戲令曰先王皆樂其所生

禮不忘其本譙霸王之邦真人本出其復譙租稅二年

三老吏民上豈令棄良材於散地化王孫為英華作旅

壽日夕而罷

於非

旅

人臣素乏器能叨膺任使控綠池之要地守清澤之堅

城綠池清澤當在鹽州境案新書食貨志鹽州五原有烏池白池瓦池細項池史記正義云鹽州有烏池猶

出三色鹽有井鹽畦鹽花鹽此所謂綠池清澤者疑即其類或云清當作青漢地理志朔方郡朔方縣有青鹽

澤在南是也綠池蓋烏池之別名耳將已宣布威靈魏畧王自手筆令曰吾前遣使宣國威靈

彈壓氛祲淮南子彈壓山川楚語伍舉曰榭不過講軍實臺不過望氛祥周禮春官眡祲掌十輝之法

以觀妖祥辨吉凶一曰祲二曰蒙三曰鑄四曰監五曰闇六曰瞢七曰彌八曰叙九曰濟十曰想注祲陰陽氣

相侵也案氛祲喻邊塵左傳楚氛甚惡苟咨謀失所佐理非材豈惟失此

軍聲兼且傷於朝寄晉宗室傳論曰仍荷朝寄臣深自計孚實當仁

况又得於諸宗且兼通舊諸葛均有因依之分

蜀志諸葛亮從

父玄為表術所署豫章太守玄將亮及亮弟均之官會漢朝更選朱皓代玄玄素與荊州牧劉表有舊往依之

龐士元多鑒裁之恩

蜀志龐統字士元性好人倫勤於長養每所稱述多過其才

是

故輒黷宸階乞榮賓席使得盡其風力佐彼邊陲雖處

平原之囊必將脫穎

史記平原君謂毛遂曰賢士之處世也譬如錐處囊中其末立見遂

曰臣今日始處囊中耳若使臣早處囊中則脫穎而出矣

劍拭華陰之土麤雪幽沉

晉書張華傳斗牛之間常有紫氣華即補雷煥豐城令到縣掘獄屋基得雙劍華以華陰土一斤致煥煥以拭

劍倍以精明

請依資賜授一官充臣防禦判官干冒宸旒無



任戰越

為濮陽公陳許奏韓琮等四人充判官狀

韓琮

新書藝文志韓琮字成封大中中湖南觀察使

右件官早中殊科榮推雅度

晉劉曜傳論曰習以華風溫乎雅度

弦柔以

直濟伏而清

並見祭文

頃佐憲臺且丁家難

並見表

當喪而齒

未嘗見

禮記高子皋之執親之喪也泣血三年未嘗見齒君子以為難

既祥而琴不成

聲

禮記孔子既祥五日彈琴而不成聲十日而成笙歌

逮此變除

吳孫奮傳注謝慈撰喪服圖變

除行

未蒙抽擢臣頃居鎮守

並見前

琮已列賓僚謀之既

臧剛亦不吐

並見詩

願稽中選榮借外藩伏請依資賜授

憲官充臣節度判官

段環

右件官言思無邪學就有道屢為從事常佐正人

書惟

人既富

加以富有文辭

左傳非文

精於草隸

潘岳揚荆

方毅

加以富有文辭

辭不為功

精於草隸

州誅草隸

兼

儁而且檢通亦不流

晉嵇紹傳曠而有檢通而不雜

臣所部稍遠京

都每繁章奏敢茲上請乞以自隨伏請依資賜授憲官

充臣節度掌書記

裴遽

右件官魯國名儒邳鄉右族松寒更翠

並見前

馬老不迷

韓子管仲隰朋從于桓公而伐孤竹春往冬返迷惑失道管仲曰老馬之智可用也乃放老馬而隨之遂得道

臣昔忝鑒

英華作監非

門

淮南子大將受命已則設明衣前指爪鑿凶門而出

辟為記

室屬辭而宿構無異

禮記屬辭比事春秋教也魏志王粲善屬文舉筆立成無所改定時

人常以為宿構

論兵而故校多歸

後漢隗囂傳使王遵持節監大司馬吳漢留屯於長安遵

知器必敗滅而與牛邯舊故知其有歸

委

一作畫

以前籌

義意以書喻之邯乃謝士衆歸命洛陽

漢書酈食其謀撓楚權勸漢王立六國後

見其餘地伏

張良曰陛下事去矣臣請借前箸以籌之

以前任大理評事已三十三箇月比於流輩

沈約彈文玷辱流輩

莫斯為甚

已是滯淹

左傳楚子使然丹舉淹滯

伏請特授憲官充臣觀察

支使

夏侯瞳

右件官藏器於身

易君子藏器于身待時而動

為仁由己齊莊難犯

勁挺不搖任切循良

一作拊循漢韓信傳信曰且信非得素拊循士大夫

務繁稽

勾思留仙尉

漢書梅福棄南昌尉入洪崖山學道九江人以為仙去

以重賓階

庾信

碑下賓階而顧問

伏請依資改授一官充臣節度巡官以前件

狀如前臣四朝受任

謂穆敬文武

三鎮叨榮

謂嶺南涇原陳許

慕碣

石之築宮

史記鄒衍如燕燕王築碣石宮自親往師之

廣延儒雅效西河之

擁篲

阮籍奏記子夏處西河上而文侯擁篲善曰呂氏春秋白圭曰魏文侯師子夏李奇漢書注擁篲為

恭也如今卒持帚也

樂得賢才韓琮等並無所因依不由請託久

諳才地

晉王愷傳愷輒連狀白之曰某人有地某人有才務存進達各隨其方南史王僧達傳僧達自

負才地三年間便望宰相

堪列幕庭伏希殊私盡允誠請謹錄奏聞

伏聽敕旨

為安平公兗州奏杜勝等四人充判官狀

杜勝

箋舊書杜黃裳字遵素京兆杜陵人也同平章事封邵國公卒贈司徒次子勝登進

士第大中朝位給事中

右件官流慶相門

班固典引發祥流慶史記並  
當君傳將門有將相門有相

榮名詞

苑

隋王貞傳儒墨  
泉海詞章苑固

當仁罕讓見義敢為符彩極高

曹植  
七卷

符彩  
照爛

涯涘難挹

莊子出  
於涯涘

臣前任已奏為判官臨事而每

見公方

後漢書第五種天  
性疾惡公方不曲

與語而每相弘益

任昉行狀  
風體所以

益弘  
今臣寄分團結任切訓齊將奉廟謨實在賓彥伏請

賜守本官充臣團練判官

趙哲

箋舊書王質傳質在宣城辟崔昫劉黃裴夷直趙哲為從事皆一代名號

右件官洛下名生山東茂族

漢賈捐之傳石顯本山東名族

仁實堪富

天爵極高妙選文場

漢劉輔傳妙選有德之世晉羊祐杜預傳贊曰元凱文場稱為武庫

巫仕侯國珪璋特達

禮記圭璋特達德也

蘭杜芬馨今臣廉問大

藩澄清列部藉其謨畫共讚朝經

任昉表增一秩已黷朝經

伏請賜

守本官充臣觀察判官

李藩

箋藩當作潘本集有彭陽公薨後贈杜二十七勝李十七潘二君詩宰相世系表李

潘山南東道節度使承之子也

右件官文園馳聲

蕭統文選序歷觀文園泛覽辭林

賓階擅美口含言

瑞

後漢宦者傳論曰手握王爵口含天憲

身出禮門

見孟子

前任已奏為判

官馭下而和易不流臨事而貞方有執今臣移參國用

禮記冢宰制國用

務切軍需實假平均

後漢張奐傳拜武威太守平均徭役

以同

計畫伏請賜守本官充臣觀察文使

盧涇

右件官博涉典經

後漢鄧后紀畫修婦業暮誦典經

該

核流畧

後漢班固傳九流七畧之言靡不窮究

自魯壁所壞

漢書藝文志古文尚書者



出孔子壁中景十三王傳魯恭王壞孔子舊宅以廣其宮於其壁中得古文經傳孔安國尚書序濟南伏生年

過九十失其本經口以傳授裁二汲冢之藏晉束皙傳太康二年

汲郡人不準盜發魏襄王冢或言安釐王冢得竹書數十車三篋能知漢張安世傳上行幸河東

嘗亡書三篋詔問莫能知惟安世識之五車盡究莊子惠子多方其書五車加之文采

兼以器能前者為臣屬察嘗在州推獄明斷而不容吏

黠哀矜而莫有人寃後漢明帝紀詔曰人寃不能理吏黠不能禁今者團練

之司稽巡是切每集作直思獎敕集作效非敢用情伏請依

資賜授法官充臣部一作都團練巡官以前件狀如前伏

以長人者必以吏分勞逸開幕者亦用士為重輕若不

樹人

史記十年之計樹之以木百年之計樹之以人

何以報國況臣素無勲效

謬竊寵榮至於賢才敢恠筐篚

新序孫叔敖曰筐篚之橐簡書

前件官

並推賓彥堪贊藩條伏希殊私盡允誠請謹錄奏聞伏

聽敕旨

為滎陽公進賀正銀狀

伏以運當聖日節在王春

杜甫詩王春度玉墀

近則入金門而排

玉堂

揚雄解嘲歷金門上玉堂有日矣

歡於上壽

漢叔孫通傳置法酒諸侍坐殿上皆伏抑

首以尊卑  
次起上壽

遠則梯重山而浮漲海

謝承後漢書交趾七郡土獻皆從漲海出

入南史扶南國東界即大漲海韓愈潮州謝上表州南近界漲海連天

務以獻琛

詩憬彼淮夷來

獻其琛

臣受國恩深守藩地阻明珠大貝

晉書華譚傳譚曰明珠文貝生

於江鬱之濱書大貝鼉鼓在西房爾雅大貝曰鮐說文蚌大貝也

南異於百蠻

詩因時百蠻隋

南蠻傳序南蠻雜類與華人錯居曰蛇曰獐曰狸曰獬曰色俱無君長隨山洞而居古先所謂百越是也

翠

羽犀皮

周書湯四方獻令正南甌鄧桂國損子產里百濮九菌請令以珠璣瑇瑁象齒文犀翠羽菌鶴

短狗為獻孔晁注

北殊於三楚

阮籍詠懷詩三楚多秀士善曰孟康漢書注舊

名江陵為南楚吳為東楚彭城為西楚韜曰三楚謂楚文王都郢昭王都郢考烈王都壽春

前件銀

出非大冶

莊子大冶鑄金金踴躍曰我且必為鏤錙大冶必以為不祥之金

貨在中金

漢食貨志金有三等黃金為上白金為中赤金為下孟康曰白金銀也赤金丹陽銅也

敢以元正

式陳方賄

史記孔子世家使各以其方賄來貢

望闕憶銀臺之峻尚隔

一作

阻仙寮

後漢張衡傳思立賦曰聘王母於銀臺兮羞玉芝以療飢注銀臺仙人所居也郭璞遊仙詩神

仙排雲出但

瞻天仰銀

一作

漢之流莫階霄路

白帖天河謂之

見金銀臺

銀漢亦馳心獻祝因物達誠干冒宸嚴不任兢越

曰銀河

為榮陽公赴桂州在道進賀端午銀狀

右臣伏以

一作聞

握丕圖而御物必相見於離

易離也者明也萬物

皆相見南方之卦也聖人南面而聽天下嚮明而治蓋取諸此也

推小正以辨時

見謝賜物

狀

則盛德在夏

禮記先立夏三日太史謂之天子曰某日立夏盛德在火

故著為令

節稽以舊章通修任土之宜

見前狀

仰續後天之壽

見賀老人

星見表

臣方乘傳置未至藩維前件銀已及中塗實從前

政拜章獻祝雖令尹以告新納賁展儀欲長府之仍舊

謹以前觀察使楊漢公封印進上

新書楊漢公字用乂號州弘農人累遷戶

部郎中史館修撰轉司封郎中坐虞鄉下除舒州刺史徙湖亳蘇三州擢桂管浙東觀察使

千春屬

慶億載儲休繫以藩條闕覲丹墀之下

漢書梅福上書曰願涉赤墀之

塗漢官儀漢尚書郎  
舍香握蘭奔趨丹墀

徵諸貨志且媿白金為中

見上文

干

冒宸嚴無任兢越

為安平公赴充海在道進賀端午馬狀

右臣伏以浴蘭令節

大戴禮五月五日蓄蘭為沐浴

採艾嘉辰

見為榮陽公狀

百辟合祝於堯年

沈約白紵春歌舜日堯年歡不極

萬方宜修於禹貢

臣方夙駕之部

詩星言夙駕

馳傳出闕

漢司馬相如傳馳四乘之傳

欲獻

琛而未識土儀願祝壽而已悲日遠

並見前

前件馬伏櫪

斯久

魏武帝樂府老驥伏櫪志在千里烈士暮年壯心不已

著鞭亦多

見為中丞狀

麤

覺柔馴未嘗奔逸雖非龍孫驥子

隋書吐谷渾青海中有小山其俗至冬輒

放北馬於其上言得龍種本集詩至今青海有龍孫桓譚新論善相馬者曰薛公得馬惡貌而善走名驥子

邈一舉以絕塵

莊子顏淵曰夫子步亦步趨亦趨夫子奔軼絕塵而回瞠乎其若後矣又天下

馬有成材若邱若失若喪其

願陪月駟雲螭

顏延之詩白馬賦稟

一若是超軼絕塵不知其所

慶千嘶

於扈蹕

崔豹古今注秦制出警入蹕謂出軍者皆警戒入國者皆蹕止也

干冒宸宸無

任兢惕之至

為榮陽公進賀冬銀等

等字一作狀鍾乳白身

右臣伏以黃鍾應候

禮記仲冬之月律中黃鍾

白琯舒和

大戴禮舜以天德嗣

堯西王母來獻白琯後漢律歷志候氣之法殿中候用

玉律十二惟二至乃候晉律歷志舜時西王母獻昭華

之琯以玉為之及漢章帝時零陵文學奚景於冷道

舜祠下得白玉琯度以為大尺相傳謂之漢官尺近

訪晉儀禮同元日

晉禮儀志魏晉冬至日受方國及百僚稱賀因小會其儀亞於獻歲之日

遐觀魯史事重朔朝

左傳公既視朔遂登觀臺以望而書禮也

伏惟皇帝陛

下與天同休如日之盛將融漢道

謝莊月賦淪精而漢道融善曰融明也

兼舉周正臣方駕廉車闕稱壽酒心懸土炭空循

一作思

太史之書

漢書冬夏至日懸土炭以定陰陽之氣孟康曰先至三日懸土炭於衡兩端輕重適均冬



至日陽氣至則炭重夏  
至日陰氣至則土重

身遠江湖徒積子牟之戀

見為汝南

公苟無納贐曷慶履長

玉燭寶典冬至日極南景極長陰陽日月萬物之始律當黃鍾

其管最長故有履長之賀曹植  
冬至表亞歲迎祥履長納慶

前件銀等稟和於天地

之爐

賈誼鵬鳥賦天地為爐兮造化為工陰陽為炭兮萬物為銅

擢粹於神仙之府

後漢竇章傳注蓬萊海中神山為仙府幽經秘錄並皆在焉案此謂石鍾乳觀下文廁一丸之藥可知

為方賄且自地征

周禮大司徒制天下之地征案新唐地理志嶺南諸州皆貢銀韶連二州

貢鍾

對三品之金

書揚州賦貢惟金三品

庶陪白璧

史記蘇秦傳黃金千鎰白

壁百

廁一作非

一丸之藥

魏文帝遊仙詩與我一丸藥光曜有五色

請映玄霜

太平廣記裴航至藍橋驛見雲英航曰願納厚禮妻之

可乎姬乃使求玉杵臼杵刀圭藥百日以女妻之超為

上仙詩曰玄霜搗盡私一作乳非白身等舊書敬宗紀寶歷

見雲英玄霜藥名也

鎮人家不得置私白身王元達傳段氏進食二千盤并

御衣戰馬公主妝奩及私白身女口等新書宦者傳是

時諸道歲進闔兒雖長在遐鄉而生知望闕比從訓示

號私白闔嶺最多

堪備指呼冀因物以達誠竊先時而效祝七百年之卜

願過成周見前表八千歲為春敢徵蒙叟莊子上古有大椿者以八千歲

為春八千歲為秋史記莊子

者蒙人也嘗為蒙漆園吏

干冒陳進兢越無任

為蒙陽公奏請不叙錄將士狀

使當道將士及管內昭賀等州

新書方鎮表桂管開耀後置經畧使領桂梧賀

連柳富昭蒙嚴瑗融古思唐龔十四州治桂州

軍士共二千一百二十六人準

去年五月五日制叙勲階使司去今年四月二十五日

具將士姓名及甲授年月日申省訖右臣當道將士等

遠當戎寄式控遐陬

見前狀

乘解愠之和寧親矢石

並見前表

望拱辰之列

見論語

實隔煙波近者朝廷奄靖北方惟荒

東道

左傳燭之武見秦伯曰若舍鄭以爲東道主行李之往來供其乏困

當陰山之哭虜

謂回鶻漢匈奴傳侯應曰冒頓單于依陰山治兵器後武帝奪其地匈奴過者未嘗不哭

靡效纖埃

魏都賦風  
無纖埃

及天井之摧凶

謂劉稹漢地理志上黨郡有天井關今在山西澤州東南

不橫寸草

漢終軍傳軍無橫草之功

徒以皇帝陛下非煙結彩

集作陰見

為成魏  
州表

灤露流光

詩零露灤灤

向明纔及於鳳樓布澤遠霑

於蠻徼

並見前

固合同成國慶共稟朝榮伏以當管近無

豐年亦經小水海上有分屯之卒

新書南蠻傳安南桃林人者居林西原七

縮洞首領李由獨主之歲歲戍邊李琢之在安南也

邕

南有未返之師

新書地理志邕州朗寧郡屬嶺南道南蠻傳大中時李琢為安南經畧使苛墨

自私以斗鹽易一牛夷人不堪結南詔將段酋遷陷安南都護府號白衣沒命軍南詔發朱弩佉直三千助守

歎冗食於居人

後漢劉瑜傳  
冗食空宮

困裏糧於戎士

左傳裏糧  
坐甲固敵

是求臣初叨廉問方切拊循

漢淮南王傳  
拊循百姓

雖拾級升階

禮記

主人與客讓登主人先登客從之拾級聚足連步以上

各思受寵而濡毫執簡

左傳

南史氏執簡以往

無以為資仰慮後期敢忘積懼伏見比者諸

道有物力未足者聖恩洪貸

晉徐邈傳邈言於帝曰會稽王奉上純一宜加弘貸

許且權未叙錄

晉劉聰傳或有勲舊功臣而弗見叙錄

竊緣往例

隋書觀德王雄

讓表曰臣實面牆敢緣往例

冒此上陳伏冀天慈曲垂矜許

晉書慕容翰傳

天慈曲愍梁邵陵王啓  
伏願天慈曲垂矜許

臣與將士等無任感激冒昧戰

越之至

為楊贊善奏請東都洒埽狀

新書地理志東都隋置武德四年廢貞觀

六年號洛陽宮顯慶二年曰東都光宅元年曰神都神龍元年復曰東都天寶元年曰東京上元二年罷京肅宗元年復為東都

右臣先臣贈太保某塋在河南縣界

地理志河南府治河南縣

臣自

終喪紀

左傳齊孝公卒有齊怨不廢喪紀禮也

便參朝倫三年贊道於宮

庭千里違離於墳墓竊惟令式合許芟除

舊書憲宗紀元和元年二

月詔常參官寒食拜墓在畿南聽假日往還他州府奏取進止

追遠興情敢希榮於陸

曄

晉陸曄傳蘇峻平加衛將軍以勲進爵為公咸和中求歸鄉里拜墳墓因以卒

報恩未死寧

自誓於義之

晉王羲之傳稱病去郡於父母墓前自誓朝廷以其誓苦亦不復徵之

伏乞

聖慈特從

一作允

丹懇

為閑廐使奏判官韓勵改名狀

新書百官志聖歷中置閑廐使以殿

中丞監承恩遇者為之分領殿中太僕之事而專掌輿輦牛馬自是宴游供奉殿中丞監皆不

聞預

右前件官名與再從叔故媯州參軍自勵向下一字同

伏以韓自勵頃因宦遊歿於幽朔羈孤未返

謝莊月賦親懿莫從

羈孤  
進

親黨莫知近始言歸因之合族

禮記合族以食

雖為子之

道則慎更名於已孤而諸父之

一作具

來固難舉諱於其

側

禮記卒哭乃諱  
大功小功不諱

伏請改名融謹錄奏聞伏聽敕旨

李義山文集卷三



謹案第十四頁後七行周鄭交圻之地按下狀內  
交作郊地作邑

第十五頁前四行敕内外文武按文苑英華武下  
有官字


第十七頁後一行昔著河山之誓按文苑英華昔  
作共

第二十四頁前七行而又南翬輝彩按文苑英華  
輝作耀

第三十六頁前四行賈誼鵬鳥賦刊本鵬訛鵬今  
改

第三十九頁前五行以殿中丞監承恩遇者為之  
按新唐書作以殿中監承恩遇者為之又殿中  
丞監皆不預聞按新唐書作殿中監皆不豫





總校官庶吉士臣張能照

校對官編修臣朱攸

謄錄監生臣宋錯